

〈普賢菩薩勸發品第廿八〉

【前言】此品來意。《法華經大成》卷9〈普賢菩薩勸發品第二十八〉：「勸發者。勉進義。諄諄示誨。開物成務之謂。亦是戀法之辭。遙在彼國。具聞此經。始末既周。欲令自行化他。永永無已。故自東方而來勸發也。窮妙法之始終。然後盡出興大事。合諸佛之智行。然後見如來全身。是經之起。始於文殊問答。終於普賢勸發。二十八品條理一貫。乃所以窮始終。合智行。大事因緣於是乎畢。如來法身於是乎全也。智能發覺。所以作始。行能成德。所以成終。中間事法。無非智行。互相資助。故終以普賢立品。」(X32,pp.536c17-537a1)

《法華經授手》卷10〈普賢菩薩勸發品第二十八〉：「此品顯以行成德。乃現身面言說加持也。此經以智立體，故文殊發起。以行成德，故普賢成終。而明入佛知見也。釋普賢有二意：一道前屬因。二道後屬果。謂行彌法界曰普。隣極亞聖曰賢。此在等覺屬因。又稱真法界曰普。彌綸萬化曰賢。此在妙覺屬果也。以此普賢乃法界之全體。為毗盧十身之願身故。菩薩依此信解修行。而還證此體。所謂無不從此法界流。無不還歸此法界也。然菩薩因圓。至等覺已。而復須加持者。是必假果接。乃得入妙。故此菩薩乃為證入之終。而以普賢願力守護。必得是經也。所以菩薩必問『云何能得是經』。而如來告以四法成就也。然此四法。正與起信論信成就中發三種心。義實相同。論云。一者真心。正念真如法故。此中云『諸佛護念』也。二者深心。樂集一切善法故。此中謂『植眾德本』也。三者大悲心。欲拔一切眾生苦故。此中謂『救一切眾生』也。又云。如是信心成就得發心者。入正定聚。此中所謂『入正定聚』也。然此品顯證。而言信成就者。謂初以文殊發信。依信生解。依解發行。行起解絕。故為證入。則此證入。亦即信之所成就也。所謂『發心竟究二不別。如是二心先心難』故。須藉普賢終以四法必得是經耳。論依最初發心說。此乃約成就說。故論在初而經居後也。凡有持是經者。普賢即自現身。而謂現身面言說加持也。由有三種加持。乃可證成得果之象。故判此品。為入佛知見。無疑矣。」「正同此經八品流通分。當機諸大菩薩也。故以普賢為流通之終。『勸』謂勸佛重宣四法。『發』謂發心說呪、護持成就四法得此經之人。故曰普賢勸發品。此

經以彌勒、文殊為開章。觀音、普賢為奉行。明妙法。慈智為始。悲行為終。」
(X32,p.822c3-p.823a20)

P. 785, L. 4【普賢菩薩】普賢，梵名 Samantabhadra，或 Viśvabhadra。音譯三曼多跋陀羅菩薩、三曼陀颺陀菩薩、邨輸颺陀菩薩。又作遍吉菩薩。我國佛教四大菩薩之一。與文殊菩薩為釋迦如來之脅士。即文殊駕獅子侍如來之左側，普賢乘白象侍右側。若以此二脅士表法，文殊師利顯智、慧、證，普賢顯理、定、行，共詮本尊如來理智、定慧、行證之完備圓滿。文殊、普賢共為一切菩薩之上首，常助成宣揚如來之化導攝益。以此菩薩之身相及功德遍一切處，純一妙善，故稱普賢。普賢之名始出於三曼陀羅菩薩經，後廣見諸經而成普遍之信仰。～《佛光大辭典》《法華經大成》卷9〈普賢菩薩勸發品第二十八〉：「梵語邨輸颺陀。此云普賢。悲華經云：我誓於穢惡世界。行菩薩道。使得嚴淨。我行要當勝諸菩薩。寶藏佛言：以是因緣。今改汝字。名為普賢。行彌法界。德無不遍曰普。隨心益物。乘時設化曰賢。上佐佛化。下利羣生之號。」(X32,p.536c13-17)《法華經授手》卷10〈普賢菩薩勸發品第二十八〉：「別行疏云：梵語三曼多跋擦羅。此云普賢。準本經。自在神通曰普。威德名聞曰賢。乃十方三世一切諸佛之長子也。故經云：一切如來有長子。彼名號曰普賢尊。若準彼疏。有人法五訓。法有二：一體性周徧曰普。隨緣成德曰賢。二一即一切曰普。一切即一曰賢。此二正同此經之妙法也。人有三：一位前。信、住、行、向菩薩。曲濟無遺曰普。鄰極亞聖曰賢。正同此經諸新得記菩薩。二當位。十地、等覺菩薩。德周法界曰普。至順調善曰賢。正同此經八十萬億那由他發願持經菩薩。三位後。謂已成佛竟。行德周備。障累永祛。上無所求。唯不捨悲願。務在度生。隱實現權。果無不極曰普。不捨眾生曰賢。正同此經八品流通分。當機諸大菩薩也。故以普賢為流通之終。」(X32,p.823a3-17)

P. 785, L. 7【大佛頂經】《首楞嚴經》卷5：「我用心聞，分別眾生所有知見，若於他方恒沙界外，有一眾生心中發明普賢行者，我於爾時乘六牙象，分身百千皆至其處。縱彼障深，未合見我，我與其人暗中摩頂，擁護安慰，令其成就。佛問圓通，我說本因，心聞發明，分別自在，斯為第一！」(T19, p. 126c15-21)

《楞嚴經集註》卷 5：「長水云。心聞即耳識發明也。從於耳識，得真圓通，入法界理。生滅識滅，寂滅現前。境智相冥，一體無二。還於心聞起用。分別眾生知見可發明者。即現其身。」「塵非根則不了別。識非根則不發生。若不依根如何發識。根親識疎。是故文殊約此以揀。又心聞之義即是真因。初心絕分。故揀之矣。即以心聞合法界體。境智無二。故法界中所有眾生心中發明普賢行者。無不了知。無不起應。冥顯二機皆獲其益。」(X11,pp.432a17-433a6)

P. 785, L. -1【流通文為三】如右(參考 p.622+675)


《妙法蓮華經文句》卷 10〈釋普賢菩薩勸發品〉：

「上判流通為三：從十九行偈已後三品半，舉經力大以勸流通；〈藥王品〉下五品，舉菩薩化道力大以勸流通；此一品舉普賢誓願力大以勸流通。」(T34,p.148a23-27)

P. 786, L. 2【發來】《法華經要解》卷 7〈普賢菩薩勸發品第二十八〉：「普賢統事法界。圓具萬行。即事而真。其應身無乎不在。且於法會之終。示從東方來者。東方。震帝之所出也。以法會至此。因地智圓、果地覺滿。十一地妙圓之行備。則進修之功已盡。妙覺之體已成。於是依無功用行，出震利物。故示從東來。」

華嚴過十一地。說佛海功德既終。即說如來出現利世間行。即此意也。以不離常行。無為應物。故曰自在神通。以德無不徧、名無不聞。故曰威德名聞。與無邊菩薩俱來者。示萬行圓攝無盡也。妙音來儀。亦雨蓮華、作伎樂。皆所以彰顯妙行宣流法音也。」(X30,p.358c10-21)

P. 786, L. 6【理一等四】「四一」：依天台家之解釋，開顯《法華經·方便品》中一乘，就教、行、人、理四者，各闡明唯一無二之旨，稱為「四一開顯」。(1)教，指能詮之經典；因能詮之經典唯說一佛乘，故稱教一。(2)行，指依其教而修之行法；以此行法唯修一乘之妙行，方能證實相之理，故稱行一。(3)人，指為開佛知



見而修行法之人；其人唯為菩薩（此以三乘之人同為菩薩），故稱人一。(4)**理**，指依行而開佛知見之所證；其所證唯為諸法實相之一理，故稱理一。～《佛光大辭典》理一→**常**(自在)。行一→**樂**(神通)。人一→**我**(威德)。教一→**淨**(名聞)。

《法華經文句輔正記》卷 10〈釋普賢品第二十八〉：「疏自在理一者。約所證邊屬理一也。疏神通者行一者。修行以神通為本。又神通動作皆修行之相。疏威德者我也者。以得理故。威德則盛也。疏名聞者淨者。以行淨故。名聞遍於法界。」(X28,p.815a21-b1)

P. 786, L. 8【心力等五】《法華經文句輔正記》卷 10〈釋普賢品第二十八〉：「皆云隨者。圓四德力。不謀而運。故謂之隨。疏流起者。任運水流雲起也。此是心力者。謂龍心力也。法力者。法爾力也。眾生力者。謂眾生機感力耳。不思議力者。得一實不思議理。故有難思之用也。普賢亦爾。具四德力。故來勸發也。」(X28,p.815b4-10)

P. 786, L. -6【華嚴、依真而住】《大方廣佛華嚴經》卷 7〈3 普賢三昧品〉：「普賢身相如虛空，依真而住非國土，隨諸眾生心所欲，示現普身等一切。」(T10,p.34a4-5)《宗鏡錄》卷 41〈1 標宗章〉：「一切凡聖。本唯法界。無造作性。依真而住。住無所住。與一切諸佛眾生。同一心智。住性真法界。」(T48, pp.658c29-659a2)

P. 787, L. 1【舉二攝二】《法華文句記》卷 10〈釋普賢品〉：「威德神通前已具列，自在等四以表四德。今略無『自在』及以『名聞』，但二兼二故也。經文既云『與無數等，各現二力』者，當知所隨皆法身也。主伴並具四德，故云『各』也。」(T34,p.359b1-5)《法華經授手》卷 10〈普賢菩薩勸發品第二十八〉：「上敘同來菩薩。是本眷屬。與普賢同行。則自在神通威德名聞無不同也。今敘八部乃為外護。而曰各現威德神通力者。是敘其所具之德。亦有斯行也。此皆是普賢神通三昧所致。」(X32,p.823b14-17)

P. 787, L. 5【右繞七匝】《法華經授手》：七匝者。表信、住、行、向、地、等、妙七位圓行。歸如如理。(X32,p.823b20-21)